



ATASSUT

UKA15/148-1

Páninguak M. Kruse

02.10.2015

**Suliffissarsiuussinermut ilitsersuinnermut piginnaangorsarnermullu sullissiviit pillugit
Inatsisartut inatsisaat nr. Xx, yy 2015.**

(Inuussutissarsiornermut, Suliffeqarnermut Niuernermut Nunanullu Allanut Naalakkersuisoq)

Ullumikkut nunatsinni suliffissarsiuussisarfiit aammalu Piareersarfiit ingerlaqqiffiusartut nunap inui aallaavingalugit immikkuutaartut qiviarutsigit sullinneqarnermikkut assigiinngitsumik ingerlanneqartumik takuneqarsinnaavoq, taamaattumik Inuussutissarsiornermut, Suliffeqarnermut Niuernermut Nunanullu Allanut Naalakkersuisup siunnersuutaanut, ATASSUT-mit annertuumik iluaqutaasussatut isingaarpur.

Tassani anguneqarsinnaammata suliffissarsiorlut aammalu unittoqqasut assigiinnerusumik sullineqalerniassammata. Sullissinermi qitiusumik ingerlanneqartussami iluaqutaasinnaasutut isingaarpur inunnik isumaginnittoqarfik peqataatinneqassasoq.

ATASSUT-mit qularutiginnilarput inummut sullinneqartussamut eqaatsumik ataasiusumillu, sullinneqarneq iluaqusiisussamik aqutissiuussisussangussamat. Aammattaaq sumiikkaluaraanniluunnit tamanna killiffik ataasiusoq nangeqqinneqartarsinnaassamat.

Ullumikkut ilaatigut toqqamaviliinermut siunnersuummi aamma paasissutissatut ikkunneqarsimasoq takuneqarsinnaavoq, sumiiffiit ilaanni suliffissaaleqisoq agguaqatigiisillugu 6 minutsit sapaatip akunneranut sullinneqartartoq, tamanna annertuumik ukiuni arlertunit attatiinnarneqarsimasinnaasoq oqaatigerusunnarpoq, taamaattumillu naapertuutinngimmat inuk sulerusuttoq taamak annikitsigisumik suliffissaqarniarnissaminut ujartuissappat siunnersorneqarnissallu eqqortup tikinneqarnissaa pinngitsoortarluni.

Sullissinerli ataasiusoq qarasaasiatigut ingerlanneqalerpat killiffik malillugu ingerlanneqaqqissinnaangussamat, aammalu suna inummut siunnersungassamut aqutissiungassamullu sullinneqarneq ataasiusoq marloqiusaangitsoq pisussangussamat.

Taamaasilluni inummut suliffissaaleqisumut imaluunniit unittoqqasumut sammiviit immikkooraluarpataluunniit ataatsimut periusissaq anguneqassaaq.



Suliffissaaleqisut ilinniarsimasut aammalu ilinniarsimasuunngikkaluit taakkua periarfissinneqassapput pikkorissarsinnaanermik aqutissiuunneqarsinnaanissaat

Sulisussat sulereersullu

2006-miik piareersarfiit atuutsinneqalerput, tasanilu misilittakkat aallaaviussapput. ATASSUT-mit pingaartillugu oqaatigissavarput iluarisimaaratsigu sulisunik ikilisaanermik allannguinerit kinguneqassangatinneqanngimmata, taamaattorli ATASSUT-mit Naalackersuisut apererusuppavut innuttaasunik suliffissaaleqisunik unittoqqasunilluunniit sullissisussat qanoq inatsisinut aamma pissutsinut nutaanut piareersarneqarnissaat aqutissiuunniarneqarnersut?

ATASSUT-mit ukiuni arlaqalersuni suliffissarsiuussisarfinni kiffartuussinermi pissutsit aaqqissuussiffegeqqinnissaat pillugit siunnersuuteqartarsimavugut aammalu oqallinnerni immersueqataasarsimalluta. ATASSUT-mit pingaartilluinnarparput kiffartuussisussat piginnaasamikkut nukittorsarneqarnissaat aammalu pitsaasumik sullissinissaminut sakkussinneqarnissaat, pingaartumik sullissinermi toqqammavissat allanngorneri tunngavingalugit periarfissinneqarsinnaanissaat.

Naak nunatta avataani pissutsit maani nunatsinni atussallugit tamatigut tulluarnepaasanngikkaluartoq, taamaattoq ATASSUT-mit tikkualaarussupparput maannakkut periarfissaasalernikummat allaffissornerup iluani suliffissaqartitsineq siunnersuisarnerlu immikkut sammisaralugit ilinniarnissaq – Naalackersuisunit tamanna periarfissatut tulluarsinnaasutut nalilerneqarsinnaanerluni?

Taamaattumik ATASSUT-mit Naalackersuisunut sakkortuumik kaammattuutigissavarput qulakkeerniassagaat sinerissami sulisussat sullissinissaminnik pinngitsooratik pikkorissartinneqarnissaat pinngittoortinneqarsinnaanngimmat aammalu tamatigut sullissinissaminni ilinniartitaanermikkut periarfissinneqartuarnissaat innersuussutiginarat periarfissaasinnaasunik tikkuusseqqullugit.

Taamatut ATASSUT sinnerlugu oqaaseqarninni siunnersuutip aappassaaneernejartinnagu apeqqutit akineqarnissaat kissaatigissavarput, suliallu ataatsimiititaliami suliarineqarluarnissaanut innersuullutigu.

Qujanaq